



南疑詩集卷之五

東魯單父王奪標赤城氏著

五言律

西塞山

攀葛維輕棹登峰覽眺雄  
一堂鐘鼓靜四面岫雲封  
遠水吞天白朝暎射樹紅  
長江流日夜憑吊古今中

行田間宿白埭寺諸子攜酒肴餉子留贈

一官同野畷田父荷鋤觀茅寺  
經秋破竹林耐夜寒  
得詩題古壁問字授新餐  
村酒偏多味漫歌行路難

南苑詩集  
秋夜泊巴河

蕪葭霜露裏倚玉影翩翩山遠雲千嶂江空月一船  
執刀憐嫩藕對酒檢殘編夜與鷗分夢不知是楚天  
龍眼磯吊四烈士

一掌龍磯地千秋烈士魂清江沈白骨赤胆照紅暎  
豈有綱常在而無俎豆存我來三歎息俯仰此乾坤

清明客游遇雨

每賦無家別春風笑蒨縵况逢寒食日益動故鄉愁  
榆火新煙起鶯花細雨收行行迷阮轍何處問滄洲

三閭祠

祠廢人千古江清月一輪骨藏魚鱉宅魂斷歲時禋  
落日愁遷客停橈吊楚臣秋風南北路苔砌長荆榛

泊雙柳鋪獨酌書懷

秋圃林如畫江寒冷似冬遠山雲靄靄平野草茸茸  
愁發孤舟酒夢停五夜鐘誰知千里客萬感獨填膺

夜度馬鞍山

單車行嶮隘四面盡雲封虎嘯荒山月僧敲遠寺鐘  
野燐皆戰血枯木半樵松孤跡投何處劍鳴落古峰

登赤壁

忽上高峰頂白雲覆遠江鐘聲流彌壑碑字冷風隳  
世事頻遷變狂心不受降坡仙呼欲出秋水認吾龐

讀史

抗懷崇尚論柱史列青緇運會開黃帝春秋定素王  
文章能不死天道豈全荒自古名山業孰當緒子長

古佛寺

兩岸鐘聲靜苔封障晚曇三千叅秘悟十二部高譚  
紅葉燒新粟黃茅結小菴漫書求米帖沽酒且沉酣

陽遷晚泊

一葉飛殘照嵐光蕩眼移江空天影濶山遠地形欹  
鴈陣團沙渚魚罾挂柳枝無端聞款乃何處是前期

陳自脩臬憲聞余抵蘄拏舟遠迎兼貽解贈賦

謝

故人勞遠念命棹喜相遇書剖鱗魚腹囊分幾艇多  
乘車君應爾彈鋏我如何十載相思淚空餘兩鬢皤  
偶感時有家書之役

孤踪何處寄不解嘯歌頻江濶能容物山寒不媚人

鄉書題罷淚容醉夢中身小閣清秋雨無緣可去塵  
懷友

自慚同袍繫何能賦遂初鄉思頻客斷官冷故人疎  
茶嚼梅花片壁懸蝌蚪書江籬如有意習習傷人裾  
嘗新鱗

水族多佳味霜螯美絕倫大都生澤國漫道屬天津  
終歲捫饒腹三秋惹腥脣盤中常有此不羨四腮鱗  
輓佛幢和尚

隻鞵西嶼去東寺罷禪叅白骨銷輪劫青蓮護石函  
僧床餘破衲梵唄貯高談風雨鐘簫夜長明燈一龕  
奉檄踏灾

誰是繪圖者我行堪足傷有心徒隕淚無肉可醫瘡  
民籲三秋困君門萬里長停車咨野老大半說迺  
亡

劉元伯方伯漢江舟中餉余酒肴賦謝

回舟方鼓柁馳使投餐來披牘珠璣落陳尊綺席開  
高懷同日月圖報媿塵埃不盡臨流意迢迢幾溯洄  
午日馬虎山將軍邀看龍舟一舟約廿餘人因

搗練覆水旋出岸上士女如雲爲之笑倒因

賦

畫舸朝競渡時聞衆鼓喧爭牽長命縷誰引吊魂幡  
飛鷁江心逐彩龍水面翻無端舟忽覆笑殺岸邊媛

行田間卽事

筍輿穿稻過返照夕陽中江柚勻輕粉山椒結小紅  
忽來南北雨旋落竹松風沽酒橋邊市前村問牧童

蒔蘭

幽棲無個事鋤月種蘭花石以疎中砌日從雨後遮

性閒雲作枕香冷谷爲家知我多憐惜故來傍小衙

秋宵讀史

古道存青史冥心萬慮澄莎鷄寒泣月壁鼠夜窺燈

山水當前是行藏信未曾一龕風雨夕且自枕長肱

子休饒型萬副憲遣使拏舟遠迎兼贈舉火之貲賦

登幾曾謝

都門分袂後計日十年餘古道猶鮑叔孤踪嘆子虛

武昌鴻鴈至蘄水鷁飛初遙望黃樓月好風襲佩裾

蘄署爲先孺人立祠主

有引

主木屬鳳皇山五祖廟北棟柏也碑誌唐尉  
與昌所建歷年久而彌馨木之廢興洵各有  
時哉余日妣之靈庶其樂爲憑藉恭賦志哀  
豈爲官衙冷不將明水陳追思容貌往奉薦歲時新  
子抱今生慚神憑古木親炷香還百拜無語淚霑巾  
山水重九前日微菊  
霜驚羣卉暮秋乃菊之春高處宜攜友疎籬早卜隣  
鴈賓司月令花使遣分巡翌日張盟會小牋曰主臣  
把酒臨江滸流觴映翠屏友朋憐歲序聚散感晨星  
人醉偏思臥日留未肯暝宗風追逸少何地不蘭亭  
舟中寒食

觸目憐芳草孤舟臥病身桐花方吐豔榆火已分新  
落日雲千疊長江酒一尊寒風飄泊裏何處故園春  
江上訪王寶臣留贈

結廬城市遠鷗鷺可忘機夾石通幽徑疎梅卷翠微  
琴尊隨意賞出處覺心違車馬無人到白雲日掩扉

二

大業存吾黨知名久屬君傷心徒有夢握手却無云  
畦種金莖草壁歲石鼓文牢騷東魯客筆硯十年焚

三

幾年勞溯往識面在江干解篋千章賦分香一幅蘭  
黃金貧賤妒白露嘯歌寒蒯管悲零落何門鈇可彈

四

徒有柔弧佩行吟向楚天煙霞君自娛落拓我誰憐  
尊酒江湖淚班荆信宿緣布帆秋水裏相對意惓惓

五

誦詩賡伐木矢志結嚶鳴白首相憐意青山不世情  
剪蔬陳八簋漉酒酌千觥知己當前是孤懷可斲平

六

分柳尋仙逕到門橫水渠一床無別物四壁幾多書  
離亂滄桑後訂交編帶初甘泉開有賦何處子雲居

七

此心豈易許遇子自須投寒煥隨時變典墳與世留  
高懷凌五嶽縫掖足千秋考古徵文獻定從禮樂謀

八



一瓢籬外挂南北任風吹硯沼雲雷古柴門水石奇  
著詩驚猛虎探海捉生驪鷄酒今宵約山川訂後期  
飲何道岑郡憲步雪堂

但到黃州日傳杯早屬君有門堪立雪無翼可乘雲  
龍劍占星合山川望氣分琵琶江上調莫使客中聞  
旅寺初冬

一葉凌霜夢秋來又復冬浮沈堪自念風雨漫相從  
裘敝寒侵體梧凋月易容棲遲誰共語古寺對孤松  
桐城姚翼侯進士春初過訪及旋以近詩六章

貽余於時秋矣次韻賦贈

一笠黃茆屋羣峰照我多相逢心竊喜復別意如何  
蕭瑟憐秋暮悲歌笑靨醜伊川明月棹疑是伯淳過  
兄若侯先生  
爲余座師

二

新詞題紈扇秋風怯晚涼屈騷吟澤畔鐘呂奏堂皇  
月偃銀鉤動花飛玉管香夜來丁甲吼荒壁走珠光

三

行李無長物天涯好月隨懷君分有友知我者其誰

記得春初約分明是後期青山存面目涼煥任時移  
四

江潭隱竹塢何處響璫筆世路須防險天心最忌盈  
榻因高士設芻愧野人情梢火涼風夜狂歌盪宿醒

五

柴關無客到白日鳥聲頻堪羨輕肥子誰憐放逐人  
解鐔霜欲落拂筥藻驚新握手江亭望峰煙藜晚巾

六

予也君家士蹉跎幾歲年虹霓風習習薜荔月娟娟

貰酒能投轄園蔬不用錢行藏存古道此意默相憐

飲王侯齊司李卬浦

行吟悲楚夢對酒飶古懽山歷千江靜風清六月寒

芥茶烹竹火鱸鮓膾櫻盤宦海無從問漫歌蜀道難

登武昌西山絕頂次王夢澤先生韻

西山寺卽  
吳王避暑

宮

江抱羣峰遠西山峙勢雄鴈飛雲影外人立畫圖中  
城郭千家靜乾坤四面空低回懷古意六下起清風

覽勝登絕頂歸興意遲遲落日隨帆影長虹挂樹枝  
忽聞空鶴唳愁讀古碑詩懷抱誰予問悠哉有遠期

中秋獨坐

天高垂玉宇荒砌似經霜月印荷裯冷風研薜荔香  
蛩依人欲語梧落石爲牀無限幽棲意鴈聲忽過墻

宿法印禪寺讀壁詩留題

名城落日到解劍宿招提未覓青蓮偈先吟白雪詩  
曉鷄啼月屋老鶴臥荒籬方外他年約何須嘆路岐

中秋李二秀才餉柑賦會

爲念傳柑早當秋向我餽翠顏勻淡粉酸味祛陳痰  
不惜移仙井故來供小庵書將珍重意漫訝是空函

西塞山祈籤

荒天何處問稽首拜祠前水德通元化真言寓妙詮  
榮枯從草木日月坐山川道力堅予志他年悟大還

孟冬朔夕饋母

戲綵萱夢隔剪衣爲送寒香燼浮檠燭野味供盤餐  
歲序三冬改涕流百感攢松楸鴻鴈影兩地各心酸  
客武昌靈山寺同年程文琰過訪時左遷未補

賦贈

荒寺無人到高軒忽我過青山妍歲月白髮老干戈  
淚洒禰衡賦菱歌楚些歌放身湖海裏焉往不風波  
九日馬虎山將軍招飲聆家樂屬賦

綺席陳桑落朱絃拂玉霜味嘗新稻蠟花送隔籬香  
談劍留豪客徵詩贈粉郎東園稱盛會吹帽漫驚狂

秋杪客窓芙蓉

白帝回商律絳英霑素秋迎風開小笑宿雨罨微愁  
羣卉競搖落數枝尚淹留冥心觀物理莫向化工求

平湖門晚步

比屋聯江暝行舟日縱橫天空峰影直岸澗野雲平  
漁火迷楓浦人煙入畫城鶴樓明月下處處管絃聲

漫興

歲時驚物候霜杵落寒碓淺水浮輕棹游雲障遠岑  
削纒憐客意堦草伏蟲心忽憶歸來計長江日影沉

正月苦雨

極目山無色瀟瀟晝夜寒行人遲遠道飛鳥倦回巒  
春事營新減紆懷酌酒寬何將雲霧撤高日浴澄瀾

王子雲客荆邱離宮偶用白奪山人韻奉東  
樹枯山不老選勝恣筇遊知己尊前淚王宮異代秋  
茶香新味合竹凍晚爐收湖海詩瓢裏何須舊蒯緱  
江水東流去崑崙大地波命舟停古渡握手發狂歌  
明月投懷少青山照眼多君才稱絕調顧我愧如何

三

孤劍凌寒雪臨流一釣磯無人來問疾遇子啟柴扉  
翻楮鵝羣亂長空鴈影微行歲堪共信把酒復牽衣

四

文章千古在天地任浮沈隨處堪留記買山不用金  
前朝蘆絮夢餘齒薜荔陰行榻離宮近時聞歎息吟

別友

送別不爲別天空望塞原延灘芳釣冷洛浦鳳歌繁  
義重人情薄山高雪氣昏他年橫吹曲金鉞耀轅門  
重九次日邀石寧賈都翰孝廉雲中于御天將

軍恒山陰正一都閩小集

東園纔一赴餘興尚競新同是天涯客相憐火病身

看山雲氣薄把酒菊香親彭澤歸來賦悲歌復自嘖  
宋牧仲別駕出示惟石十六各有題贊內一名

紫鴛鴦尤奇  
一瓢風雪裏招我到華軒多菊疑陶宅積書似鄴園  
幾年勞夢想此日對寒暄惟石蕪家供最奇是紫鴛

### 黃州旅寺

嶽寒增氣色白日落空青老鶴知迎客小僧亦解經  
炷香分宿火念舊感晨星萬籟中宵寂荒鷄不忍聽  
雪夜同曹尚白顧赤方集麒麟山房

驚句擎杯就揮毫白雪飛嘯歌隨意寄孤拙與時違  
雅調桐餘貴高懷楚些非寒風吹落落莫學剡溪歸  
黃岡徐亦史明府招飲出示吾丘詩集并索詩

幾翻游赤壁今始晤鬚眉掃徑方投轄臨江復贈詩  
風流真地主文酒是吾師剪燭微新句何嫌玉漏遲

秋霞  
雨霽江如練夕霞綴遠空鴛飛雲影外縉結有無中  
琥珀雙鉤紫珊瑚一抹紅從來多變態誰作信天翁

秋風吹夜雨孤坐歎無聊才子文章鬼美人粉黛妖  
蜂辛方力懲虎膈敢輕撩聞說淮南客猶懷隱士招  
世險無從問幽懷漫自捫詩書殉性命風雨哭乾坤  
老病餘生賤高山古調存剩有曩時劍何處報人恩

風寒常閉閣興嬾罷登樓有面甘人唾無天向我周  
大江流日夜深壑老松楸翻羨鴟夷子五湖一扁舟

黃葉庭前落秋清月更明孤燈窺古史羣馬叫荒城  
萬劫三花聚出佛經蓋一身百滅生素心惟自卜何處問

君平初秋新明示轉林詩二首次贈書呈

草砌露零零隣鐘晚未停蟾光窺半白香篆裊孤青  
烹茗斟泉水納涼坐石屏蒲葵吹岸幘步影玩鴉婷

秋夜樹光暝寒烟落遠汀雲中翔唳鶴花底綴流螢

鋪地無多月橫牕幾個星薄衾支病骨佛火照熒熒  
雪中病臥曹尚白走詩慰問次韻會之

風雪寒牕裏闌珊意興漫誰家競古調子夜唱穠權  
蕭寺僧爐火荒城日暮嚮新詩當七發搯枕勉加餐

宋牧仲別駕示種松詩二首次韻書呈

喬柯臨畫榭空井落奇峯朝沐承新蛻夜吟擬老龍  
搯撐紅日近偃蓋綠陰重灌溉官家力他年好爵封

羣卉三時暮歲寒獨結盟舊根巖壑固新榦綺廊生

難作微蟬抱只宜老鶴鳴大年能壽國落落古今情

迎春車上書懷

東郊初布令擊鼓迎春歸水旱咨民隱豐嘉望帝祈  
車前笙歌沸道上綵旂輝怒怒勞予衷官卑補救微

六月十七日立秋

炎暑猶未退物候已書秋一葉驚新落千林抱晚愁  
剗牲脩薦廟習戰事驅劉爲念盛衰理西風倦倚樓

父命訂家譜告成恭賦

高子肇東魯至余歷五傳滄桑淪往牒繼述系新編



單父繩弓冶韓城紀歲年纂成陳膝下頌祝意惓惓  
宋牧仲別駕九日訪攬勝亭遺蹟紀詩四章緘

余依韻賡呈

亦是參軍駕菊花市裏行三秋司白帝五馬聚黃城  
畫角烽煙靜朱絃玉漏清子安應有賦瓦缶敢爭鳴

二

楚國羣賢會登高覓古亭朋尊陳綺席孤鷺落寒汀  
東閣人方醉夕陽尚肯停當年名勝地苔砌草青青

三

一天含玉宇奎履印香莎曲徑留人慣羣峯快目多  
蹢躅競戲馬嘉肴饋烝鵝盛會堪同賞愧予羈未過

四

黃堂開讌樂田圃築秋塲聯騎簪萸佩臨江汎菊觴  
簿書清政簡逸興放歌狂火矣櫬槍歛樊山夜夜光

錄寶偶感坐宜

冥心觀古道夜思玉漏清途窮天地碍人賤死生輕  
白髮愁中縷青山世外情孤懷平未盡啾啾旅鴈聲

張螺浮副使舟過蘄州賦呈

聞道仙槎至相逢若故知浮雲憐氣節秋水認鬚眉  
載不歸舟穩封章退食遲霜風寒諫草停看賜環期  
真山九日張羽風捧齋過訪卽席口占  
寂寞籬邊坐喧傳詔使來陳尊沾白隰掃徑破蒼

苔新蠟當筵薦晚花應節開故鄉千里客相對且啣

杯堂用韻

秋杪泊道士泐同梅嶺北飲陳自修臬憲官舫

歸舟維古渡綺席聽流湍慙勤相別意告語各情難

詩遲催猛雨酒煖送輕寒江水何年竭盟心可類觀

送王侯齋司李歸里

荒天人自古道氣貯行藏卽浦留鷗夢歸舟載鶴糧  
山寒雲外日酒落劍邊霜三徑棲遲處槐根補舊堂  
寄霞城紫城兩弟兼示諸子姪

白髮予將老弟今豈少年鷄鳴牕下月鴈夢楚中天  
全史資身業一經卜後傳甘貧須定力筆硯是良田

春草六韻同平遠開官報用謝賦韻

寒芳愴宿莽細雨濕芊芊長信宮中路池塘夢裏煙

南齊詩集卷五  
風吹三月暮茵秀七香妍受謝年年綠王孫可復還  
泊武穴晤同年張開有時臥病賦贈

溪煙三月暮短棹送殘春本爲迎官長却來訪故人  
蒹葭江上夢惆悵病中身古道存微抱世情豈足論

夜泊龍坪

渺渺長江水羣山落照昏  
鴈聲聞遠渚漁火暗荒村  
星隳高帆影檣穿怒石  
云兵戈離散後茅屋幾家存

賦夢寄諸季

浮生何處著獨息欬遽遽  
月落烏啼暗雲迷鴈影疎  
有懷前夜夢覓讀舊時書  
念爾幽期意愁思未易除

黃梅丞陳二青過訪卽席書贈

湖海元龍士停橈快一逢  
風塵占氣色貪賤笑疎慵  
客興消沽酒官閒且對松  
通家原世好白首喜相從

夏月苦雨

夏日無多見竹軒晝夜寒  
舟帆迷遠溆堦草閉重關  
江濶魚龍喜雲低鳥雀還  
淒淒茅屋裏棗火任時鑽

別吳席徵

客愁逢積雨五月似深秋  
世事當全史征途老敝裘

行吟迷楚澤執袂近浮丘魯酒今宵約山陰可復遊  
雪行即事

極目連雲合天低玉壘斜山川迷客路爐火斷人家  
野店遲歸騎寒林咽曉鴉不知驢背上何處認梅花  
哭送徐蘊和原上

故人生死別執紼淚雙零雪霽春前白松寒臘後青  
墓碑題御諾隧石勒新銘渺渺予懷際荒天日暮  
暝

贈別天雄張大經

爲憶締交日于今三十年戚園新地主客路舊山川

先澤留東菑

五鹿先生昔爲兗太守

斯文識後賢寒梅香歲晏

莫漫別離牽

織秋吟三十韻

有序

織女待月郵畏指寒壯士悲秋何羞劍冷時

二之觸人與人之觸時俱若有綢繆而不可解

者予也感白帝之司馭嗟金英之信芳雁去

與秋驚心蛩來聒耳三杯澆入礪塊五字漫成狂

哦亦似有綢繆難解之意名曰織秋此物此

志也歟  
與時遭不偶  
彈劍自稱雄  
天落千山雨  
歲傳八節風  
憑人呼塞馬  
顧我笑梁鴻  
爲問春消息  
會逢斗柄東

二

允懷持尚論  
文史足三冬  
大海風難定  
深山道可容  
虛心君子竹  
勁節大夫松  
雅俗存吾道  
夢回五夜鐘

莫與三

熱懷何所寄  
夢渴欲吞江  
繁雪千竿玉  
乘風雨棹艤  
詩成敲夜漏  
釀熟泛春缸  
對客談禪罷  
菱花細認厖

四

歲月無情客  
勞予兩鬢絲  
忽聞來雁日  
猶憶去瓜時  
藥苦能醫病  
書多不救饑  
此心堪獨信  
落落許誰知

五

俠士譚雲氣  
輕將玉麈揮  
邠原高眼界  
沈約減腰圍  
湖海非無侶  
蒹葭自有依  
情深悲一往  
萬事總皆非  
世俗競貪餌  
我心自淡如  
硯田寒吏產  
梅月素人廬  
時聽無絃韻  
蹇乘緩步車  
敲門聞剥啄  
半是乞花書

嶮平經歷盡魂夢自于于懷抱于秋業秉衡六甲厨  
臨書憑雁使得句喚奚奴檢曆分蘭蕙年來一事無  
十年零鍛羽會少一枝栖氣節須珍重乾坤要整齊  
花籬懽劇臥石壁醉時題月上人初醒荒鷄半夜啼

九

出處多乖誤行藏計未諧歌喉調綠鷓笑手拍洪厓  
望道能窺豹當塗且避豺昌黎稱砥柱最愛是平淮

霜結蒼葭老伊人雁溯洄雅歌飛白雪荒篆落青煤  
時聽鶻啼月未逢驛使梅文園會病渴燒爛紫雲堆

十一

會記題橋客翻爲放逐人吟壇呼短李酒政傲迂辛  
花近如良友月親擬比隣桃源真妄誕何地獨非秦

十二

終南成捷徑誰草北山文時事江河瀉世情冷煖分  
君平會辨斗太史應書雲聞說齊高士投懷重解紛

持身甘淡薄瀟酒一陶園山水知音寡文章嗜好繁  
移花香影動舞筆勢瀾翻子夜傳經後簾空月滿軒  
世途行處得寤覺一心寬安頓青羅帶剪除黑牡丹  
坦懷無曲折逸興自闌珊不作風波想江平十八灘

十五

古人存信史禪野盡須刪幽夢蓮千丈朗吟月一彎  
有書開俗目無藥駐長顏堪笑浮生計鳥飛倦始還

十六

雅懷崇素質媿我不時妍世外雲山主酒中筆墨仙  
枉藏蒐秘笈石鼓枝奇編風雨吟寒夜誰能割半瓊

十七

饒有柔弧佩解囊愧一貂開尊陳綠蟻鋪墨寫紅蕉  
書去鱗心淚音傳鳳羽簫山居深感慨遙聽楚詞招

十八

鴟鳥借鸞鳳子雲笑解嘲一身輕似葉三徑繫同匏  
對酒懷中散臨風想孟郊罷碁閒欲坐明月費推敲

十九

世事何堪問丈夫任所遭千金收馬骨萬物等鴻毛  
翡翠勻新粉珍珠滴小槽懷人秋水句不禁首重搔  
凡卉隨時謝青松不改柯疎狂投俗少貧賤著書多  
冷落長門怨妻其子夜歌博摻須檢點三豕誤如何

二十一

一索青氈舊何來白鼻駟寒爐燒栢子雪水注梅花  
江雁秋傳字園蜂午報衙曾聞遷逐客憔悴賦長沙

二十二

逢人須問路謾道是康莊留客車投轄刪花月上床  
倒羅山簡醉披錦謫仙狂萬物皆浮梗悠然蝶夢翔

二十三

長卿猶四壁堪笑說田彭夙抱松寒志誰持月旦評  
文章儀上國詞賦重西京襍襪毛錐子岷囊謾請纓

二十四

秋去芙蓉謝山勻不了青攤殘梅福傳覆巖大立經  
捉月寒三島拏雲叱六丁登鰲觀海運長嘯付滄溟



遊禪無俗慮立妙悟三乘地大山留客天空鳥避僧  
撲螢噴放步聞曲笑貽綾抱璞心難問良醫自折肱

文章二十六

靜觀多物累涉世問虛舟不解三生謎能忘百歲憂  
詩磨鸚鵡硯酒典鸚鵡裘短燭消殘夜清風愧子猷

文章二十七

木落天高際秋聲處處砧爐烹仙掌餅膝橫相如琴  
覺冷添綿絮臨流量淺深黃州翔雁日落碎亂風金

文章二十八

駢愁惟是酒秋至可醺柑狡兔羅能避神龍餌不貪  
幘巾堪唾罵風月足吟譚山海多荒謬五經曰指南

文章二十九

汲泉烹雀舌花影入疎簾客帖呼童接詩牌應手拈  
匣藏雙寶劍龕貯萬牙籤良夜情難寐况將好月添

文章三十

萬事邯鄲夢何須問季滅大風舒廣輿高月透重岳  
嘉穀乘時漑莠稂盡力芟仍求吳越亦砍取萬年杉

嘉遠踰突泉  
各泉隨處紀  
莫若此泉奇  
大派通禹穴  
中流鎖岱支  
觀瀾應有術  
逝者竟如斯  
吾道淵源意  
古今匪所私  
古劍  
劍乳龍血  
惟風肅逼寒  
巖罔受俗之  
目將須識者  
監石霽隨可借  
日老光能函  
顯晦等同  
昨古今何必  
僂

苦雨  
惟道月離畢  
雲遮上苑林  
山川塗應遠  
燈火夜方深  
草露蟲音伏  
渠雷石髮侵  
何人能補漏  
浴日見天心

次同年郭涵叔韻  
海內知交願  
今朝燕市逢  
世家原子儀  
人物是林宗  
淇水會多竹  
嵩山舊有龍  
何當同此意  
風雨自相從

博望驛書壁  
侯封思漢使  
虎符紀荒碑  
樹汎仙槎影  
嶂開身路窺  
芙蓉秋塞意  
薜荔夜闈詩  
十九年臣節  
蒼茫古道而

嘲熱客  
程曉嘲熱客  
有所指王子  
嘲熱客自指也  
至子遷客  
蘄陽去年六月  
至齊安今年六月  
至

鄂州熱客哉何以自解至齊安今平六日至  
非是趨炎客如何溽暑行難酬孤劍意况復兩年情  
赤壁留殘日黃磯咽曉晴堪嗤空俛俛疇與結寒盟  
芙蓉書樂天和尚禪壁詩十此平田蒲葦葦古巖而  
飛錫知何處空聞犬吠聲竹孫閒臥鶴松子落敲枰  
籬畔瓜初熟佛前火半明小僧羞見客推去浣茶鎚  
其水如曹偶病寓高無曠別墅同批意風雨自昧  
築轡曹南道西風滿壑秋一身輕似葉萬事盡如蜉  
參朮隨方檢詩編強病揜撚髭憐瘦影與嬾罷登樓

王韞生同年勗邑屬張鼎臣貽余房牘

十年滄海老此日讀君書分手平原地寄懷古碣墟  
千秋存大業五嶽卜長居神駿龍媒是豈終困坂車

過涿州

驅車重過此作客又三年燕市悲歌地狂生寶劍篇  
新春逢令節冷月照寒泉北望愁無限啣杯欲照狀  
省回早發過岷河感去時之險賦此志喜

此身同一葉何事往來頻會記去時險不知今日辛  
斷橋咽細水平野度征駝風笠馬蹄疾僕夫莫自逸

乙巳長至日王惟則刺使招集麒麟山房屬余  
書屏爐煖香裊酒熱茶清牕櫺洞開雪亦徐  
至兼有獻臘梅者松綾數丈不厭亂塗錯韻  
詩以紀之  
青山隔岸語白雪起人飛墨煖驅冰入詩豪恣韻遶  
尋梅誠獨往烹茗未全非此興真無敵歡呼卜夜歸

雨中山行

天連雲樹遠何幻亦何真雨沐山顏潤川疏石髮新  
野花香欲媚芳草色相親驛路逢迎少誰爲除道人

春日雪行

孤劍零寒雪北風疋馬行逢村須問酒向僕屢通情  
楊柳三春色梅花十里程夜清人不寐埃館聽鷄聲

雪行懷友

雪寒行李瘦山色列鬚眉但得逢沽醉何須歎路岐  
長途敲恠夢短缺續愁詩不勝榛苓感生平審所期

贈蘭陽史筆公

悲歌燕市地邂逅慰生平大業存吾道高懷薄世情  
人文當北面風雅重西京對客羞彈鋏誰持月旦評

南齊詩集卷五  
人文別同年尹舍美司李

十年勞夢寐今復聚長安  
婉孌三星暮昂藏一劍寒  
青黎生翡翠白雪響琅玕  
珍重桑弧佩乾坤物外觀  
祝同年徐子遜民部  
雪薄寒巖冷奇才琢玉岑  
開尊嵩影麗拂劍月華侵  
握手交情古盟心道氣深  
持籌能裕國將以重球琳

秋夜不寐向同人索潞酒

一身輕似葉風雨嘆飄零  
白首相憐意青山不世情  
挑燈開潞酒呼僕膾江鱗  
但得無饑渴床頭任劍冷

秋感

世路難如此我行奈若何  
傷心添白髮閉戶長青蘿  
憐夜寒蛩泣悲秋宋玉歌  
歷年銷壯志無計逐愁魔

訪馬雪峯進士黃理中孝廉海潮庵

故人何處寓客路寺爲家  
忽憶三春柳相憐九月花  
夕陽沉鴈鶩秋水上蒹葭  
知己天涯少感君不我遐

送山左學使王大愚公祖

鴻儒嵩洛起東魯仰文衡  
鐵骨如山立冰心擬水清  
六經尼父肯千帖右軍程  
帝簡當隆眷菁莪化易

融

補蘄州感賦

潦倒非關病飄零嘆歲華誰憐餐菊淚故唱落梅花  
漸近三湘水難乘八月槎江離無限綠日伴流霞

偶書

長安遷逐客千里未歸人看劍憐同調開尊作比隣  
名山堪稅駕好夢欲垂綸莫恠風波險渡頭可問津

遇楚客

忽逢三楚客爲問採蘭洲鴻鴈仍南北菊籬依舊否  
江吞雲夢澤日射岳陽樓俯仰堪憑吊湘君動暮愁

九日同史莘公登仁壽寺藏經閣

高閣臨南甸羣峰一掌開陳尊黃菊近捲幔白雲來  
十載燕臺夢五湖楚水哀天涯知己少相對且徘徊

偶思

身宜當世棄骨肉倍堪傷孤鴈憐秋雨饑鳥號夜霜  
水沉山不顧神定夢相商慘淡經營意如何去故鄉

別史莘公

十年冰霜夢相逢意氣深匡時前輩業浴日老臣心

君重鹽梅望我懷楚水吟長安分手地不禁淚滂滂

藉壇

春雨東郊布宸遊統翠華不知天子貴軫念小  
民家問夜勤星駕占年看杏花桑田根本地歲歲駐  
雲車

感懷

浪跡同芻狗孤懷未可平浮雲滄海氣明月古今情  
喜報江梅信愁聞杜宇聲十年鼇客淚零落一書籬  
次韻會邵凌玉使君

逢君燕市地青眼漫相馴閱世憐同調交情重古人  
有門羞曳履何處可容身堪羨青雲鳥飛鳴上苑春  
白兆山訪李白讀書堂

讀書人邈矣遺韻落山巔綠水紅霞聚蒼煙白兆連  
何時乘夜月到此醉春天得得空惆悵長嘯憶青蓮  
櫻桃古渡

長河連廣陌飛檄赴王程柳暗皇華路櫻紅白兆  
城雲屯車轂集星聚駱駝鳴慚愧風塵吏勞勞苦送  
迎

高郵湖

十年淮海夢此日一乘艇紅蓼欺秋雁白雲落暮鴉  
行人舟作路漁父水爲家試看秦亭月朦朧幾樹花

黃梁夢

人生都是幻惟夢始爲真投枕嗟無術傳經可問津  
百年葶蘆世一覺蟪蛄身俗骨應堪憎邯鄲何處因

南疑詩集卷之六

東魯單父王奪標赤城氏著

七言律

雪中拜先慈墓

隧道漫漫鋪絮平白楊煙鎖暮雲橫慟深魂魄皆爭  
散想到劬勞不欲生饑鳥啄林聲慄慄寒魏奔窟望  
笏笏碑前尺土千行淚洒向荒天吊九京

寒食出廣寧門

郊原平野草芊芊遙望青山斷復連客邸暮春驕夜



南苑詩集  
雨孤村寒食冷朝煙十年病骨臨風瘦一派詩情入  
酒妍不盡蒼茫千里目香車寶馬紫雲邊

東東昌司李朱方庵公祖

丹楓畫舸趣新裝蓮幕初開識紫陽名震南江凌斗  
嶽瑞凝東魯肅櫂檣爰書志頌仁風溥嘉石無冤化  
日長未卜登龍先鴈使知君驄馬列前疆

寄武安房峒梅別駕

鳴禽睨皖隔花間龍氣星招每憶君同調何人歌白  
雪孤踪媿我附青雲三春活計長安酒午夜高懷寶  
劍文無那郵亭歸夢遠相思何日可云云

徐子遜民部月下招飲次韻

搔首清光處處同多君醉我慰飄蓬悲歌壯志凌空  
界遠近星芒落照中天接金門雙鳳迥月隴銀漢一  
鴻冲夜深不覺歸來晚馬上嬌娥送好風

郊壇同史華公尹含美小飲

小院綠陰覓晚涼相攜好友汎霞觴蘭窺我惜偏當  
戶竹愛人看亦度墻帶月平吞涑雪酒臨風半袒芡  
荷裳天涯知己憐司調寶劍高歌午夜霜

紀夢

十年愁病嘆餘生，閱世孤踪逐浪萍。  
何處有人存古道，此間容我卽多情。  
鏡中白髮絲千縷，夢裏黃梁月五更。  
惆悵長安車馬地，蕭蕭風雨聽鷄聲。

僧院夜坐

耶舍客稀草色侵，夜涼梧落聽鯨音。  
鄉思不斷燈明滅，酒政常寬月古今。  
方丈虎龍驅跡遠，香臺風雨落花深。  
牕間鶴影分僧趣，細嚼青梅百壁吟。

送張其有之汴梁

臨歧惆悵各吞聲，官道野花酒一觥。  
分屬主臣千古義，誼堅朋友百年情。  
黑雲繚繞催詩句，紅樹參差拂旆旌。  
指日汴京谷岳牧，何須按劍請長纓。

秋夜山行

樹影參差映女壻，駢駢征轡促行裝。  
無風無雨塵煙靜，亂水亂山野菊香。  
飛落半輪松頂月，踏殘橫木板橋霜。  
酸辛不耐長途夢，馬上狂吟鬢欲蒼。

白石榴花次徐子遜韻

素質牽芳映畫欄，迎風搖曳舞輕紈。  
春紅不浣冰蠶

色夜黑猶疑玉鳳看  
姑射遙臨明月如  
太真初浴水晶寒  
秋來夢斷朱樓影  
剖得瓊珠和露餐

賀家魏衡况新構

瑞星臨照起新宮  
遙望南山映彩虹  
柱立瑤基雲氣

繞庭開寶鏡  
露華籠疎櫺  
殿地盤金鳳  
畫棟擎天拱

玉龍

宅居帝城左

自是槐堂綿世德  
于門高大駟車容

秋感思親

秋風颯颯動悲歌  
日日僧廬伴病魔  
京國幾年青鬢

改故鄉千里白雲多  
蛩音促織依人至  
鴈羽驚寒帶

月過得失靜觀碁局裏  
誰將寶劍易樵柯

僧院春日書懷

僧院肩關學坐禪  
南華讀罷意僊僊  
風吹桃李剛三

月零落劍書又一年  
中酒檢方加葛粉  
傷春負約折

蘭箋他鄉作賦悲  
王粲且借蒲團自在眠

秋夜聞琵琶

月照僧牕玉漏清  
堪憐白髮逐愁生  
才疎豈敢嫌官

小義熱難忘  
頌主明鶴臥無人時  
依砌空聞對佛

夜敲枰秋風何處琵琶調  
聽罷傷心哭幾聲

秋丁祭日謁國學瞻扈從恭紀

千官步輦共追陪  
仙仗遙臨東序開  
漢武金盤承白露  
周宣石鼓點青莓  
百年禮樂崇三獻  
一代冠裳統八垓  
聖德昭明崇大典  
小臣欣望翠華來

中秋史華公招飲僧寮

蕭蕭僧舍日淹留  
賴有客招慰客愁  
八簋餞觴陳醪醕  
三秋敲月引箜篌  
多君雅道情猶古  
憐我才疎病未瘳  
坐久爐煙香積冷  
更從何處覓丹丘

長安春日

倉夷上苑喚晴風  
悄入朱輪拂繡襦  
冰泮捕魚臨太液  
酒香騎馬過新豐  
王孫芳草千畦綠  
帝子鶯花二月紅  
作客堪憐當此日  
春風辜負小園東

燕寺病中懷霞城紫城兩弟

半生鹿鹿百憂煎  
命不猶人祇自憐  
風雨迷離鴻雁影  
煥寒感賦蒼令篇  
鬚眉未許甘羶媚  
志氣終須苦力堅  
孤憤欲除除未盡  
楞嚴讀罷影拳拳

書懷

客裏清秋冷  
敝裾黃昏風雨伴  
僧廬英雄哭世天  
心

厭美女憐才物色疎  
画餅處各同落葉題橋往事  
殘書一尊濁酒一篇賦  
慘淡中宵入夢歎

登慈仁寺閣

巋狀高閣迥齊天  
雲鎖上方日影穿  
松老惟鳴龍氣  
護樞空星聚  
鵠光旋東瞻  
人紫極  
皇州麗西望  
青峰玉柱偏  
信是神臯靈  
佑地雙燈風雨自年年

喜晤蘭陽史華公

十年文字通聲氣  
此日長安喜識荆  
肝胆許人真始  
貴風波忘我險  
方平當途捷徑  
青山遠大海迷津  
自霧生便欲共君  
聯素約千秋圖  
史訂宗盟

過仁壽寺蔬圃卽事

閒穿僧舍踏青畦  
遶砌槐陰杜宇啼  
看豆花開秋色  
艷梧桐葉落暮  
煙凄數間石榻當  
牕靜半畝池塘曲  
徑迷聞道遠公能  
好客肯容醉我講  
堂西

中秋月下

三秋無物不關情  
况對中秋月倍明  
客苦不堪裏底  
澁鄉思無奈酒空  
盈斷除媚骨千方  
藥零落孤心一  
敝簾醉眼模糊星  
亂下好從何處見  
長庚

送宛州司李劉與襄公祖

銀漢橫空送去程  
遙遙東魯望行旌  
人從鏡裏窺冰雪  
品自花前映玉罌  
苑甸煦春回霽色  
郵亭涼夜報秋聲  
南樓畫角檣槍肅  
爭看祥光一片明

中秋前夕赴徐子遜之招限韻

長安日日過南州  
搔首愁人更對秋  
籌國司農稱倚馬  
賦辭遷客愧登樓  
天清玉宇蛩聲集  
星燦銀河漢影流  
待月團圓爭一夕  
落杯先已桂香浮

中秋徐子遜招集仍用前夕韻再賦二首又分

韻二首

曾無一斗拜涼州  
寥落孤吟兩鬢秋  
人醉此宵皆庾亮  
月明何地不南樓  
風吹桂蕊堪留贈  
雲護嵐光翠欲流  
主韻如蘭忘作客  
他鄉握手覓羅浮

二

長安夜夜醉青州  
無奈愁懷不禁秋  
露冷桂香風送笛  
天空人靜月當樓  
未逢五斗腰先折  
纔賦三星淚欲流  
減却詩魔添酒債  
身如萍梗任沈浮

分韻

高秋閨靜月無譁桂影婆娑汎紫霞  
剝蟬侑觴陳醪  
醕分闔敲句響琵琶典來千里忘爲客  
醉後三更夢  
到家招我相過無節次  
庾樓頻對海棠花  
鴻鴈喜傳涼夜信  
清天搖落碧梧風  
十分月色千家  
浦一半秋光萬里同  
庾亮南樓何處是  
袁宏孤棹此  
宵中微雲欲妒冰輪影  
穿碎竹枝玉葉瓏

漫興

夢覺學參半偈禪何須膏火苦  
憂煎欲尋白社尊  
中味聊放青山眼  
外天龍劍不埋千古氣  
蛾眉空乞一時憐  
南華秋水頻頻讀  
歷盡虛舟別有詮

燕臺秋興八首

雨餘荒野水雲橫  
日暮空庭落葉聲  
紅蓼岸邊青嶂遠  
黃花籬外紫霞明  
烹茶老鶴攜煙去  
釀酒佳賓掃徑迎  
皎月風寒鳴甍築  
虎臣十萬夜談兵

小世王

獨坐高樓戶不扃  
西山萬疊入蒼冥  
殘陽落水芙蓉紫  
小雨當牕薜荔青  
空夜鴈聲吞月冷  
隔村魚市過

風腥邊笳漫雜城頭鼓極目鄉關倚翠屏  
九州王氣聚神臯劍履簪纓奏賦豪僧寺騎驢尋故  
舊客懷對酒讀離騷黃金臺上貂裘敝白骨河邊戰  
壘高雲裏真龍風雨護東流易水日滔滔  
人客燕門嘆歲華故園東魯暮雲遮鷓鴣近水翎如  
雪楓樹經霜葉似花人靜隔軒吟蟋蟀月明何處響  
琵琶高梁橋外洗朝寺夜半山僧尚煮茶

百物漸凋玉露殘征人匹馬度桑乾龍鱗映日飛雙  
闕鴻羽翔雲下九灘恒嶽峰巒臨太乙王侯甲第滿  
長安草鳴鐵騎天邊出正是風高八月寒

高城畫角動秋聞白羽黃沙四望分神駿悲鳴辭折  
坂饑鷹雄視出層雲九門鎖鑰通王會八部旌旗列  
帝勳長廬一聲驚落鴈皇州紅日靜塵氛



空天雲靜鴈飛翔作客終年羈  
帝鄉檄息邊疆驅  
虎豹風吹荒野下牛羊懷人白露宜秋水對酒黃花  
又早霜顧我鬚眉成老大身輕不減舊時狂  
涼颼浙浙蕩青楓寂寞郊壇半夜鐘雲捲銀河星歷  
落花殘琪樹雨空濛鵲飛漢渚黃姑會龍躍仙橋白  
帝逢八陣雲門金鼓動鼉鼉貔虎賦彤弓

美人冰上行徐子遜屬和

春鎖寒江未解時羅襦漫蹴月鉤遲  
雪肌乍透香魂  
冷紅葉難傳好信岐疑是雙纏臨浴醉爲看舞袖映  
波垂五陵年少初相遇十二珠樓定後期

次影姬韻

題來帕句纈芳思膠愛融融豈解之癡想恍如相徙  
倚夢尋疑是忽參差風吹玉笛移情際月落金徽下

指時

姬善  
笛琴

欲卜花前締素約心香且寄謝媒詩

金魚池

攜手同人步晚秋寒光漠漠冷沙洲數行楊柳千家  
館一片雲霞萬戶樓日落虹橋遲斷鴈浪平魚陣不

驚鷗縱橫眼界凌空際暮歲還期五嶽游

儀部李方曼夫子自口外回都九日招集同門

李晦修卽席感賦

綺筵招我一開愁回首離情兩地秋師弟相逢欣遇  
李雲山何處望依劉閒看孤劍悲零落醉把霜螯任  
拍浮座近黃花兼對酒龍門不羨覓對侯

秋夜雨

僧牕夜雨伴秋蛩淅淅風吹幾樹松裘敝孤身餘一  
劍地寒九月卽三冬浮雲如掩清宵月客枕聽殘午  
夢鐘衣帶誰憐腰漸減鴛鴦冷紫芙蓉

贈滇南從軍壯士

提戈萬里定天南半壁雄圖賴治安袍血未乾羣骨  
朽劍光初動六韜寒英風虎肅團雲黑壯氣虹吞捧  
日丹指顧軍書陳露布元功飲至看登壇

鴈字

天空四面畫銀沙字字臨風散彩霞白帝碑書千帖  
細黃姑練寫八分斜連鈎不識迴文句曲篆疑添錦  
上花欲訴他鄉離別恨南歸先寄到儂家

訪禪  
隔溪招引遠相尋一路涼風披短襟  
荒寺石奇疑虎臥年深松老變龍吟  
六朝遺記高僧篆千劫浮生大寶箴  
白晝談經堪悟道棒訶堅我入山心

天壇避暑

溽暑揭來訪道壇好從此地覓邯鄲  
開尊索句千瓢少把劍分冰六月寒  
人醉風前搖玉樹鳥啼花落碎珊瑚  
愁懷不禁歸思擾夢裏羲皇一枕寬

燕邸夢任城同年熊南一作別次日聞訃哭賦

誰云冥路迥相岐夢裏來呼我去之東魯  
濟泉秋月冷北邙山麓夜燐悲不堪  
贈劍生離日况復牽魂死別時  
儵忽霧騏何處控滿牕風雪數行詩  
是夜大雪

一夢忽驚成永別傷心不禁淚千行  
匣中孤劍龍冲斗枕上三更蝶化莊  
吾黨文章推道主世間山水嘆人亡  
離鴻杳杳飛何處吹落西風滿地霜

甲辰八月補授蘄州

天安門外拜除書往事縈懷冷敝裾  
買鶴探囊孤劍

在牽鴻歸路數星疎燕臺風雨憐秋暮楚水雲山縱  
目初聞道蘭溪鞞鼓靜江頭明月捕鯉魚

九月高存直王省微二孝廉攜酒過燕邸卽事  
同人燕市喜相逢笑對重陽坐晚風官小漫言同柳  
下興狂猶欲傲籬東客沽雪酒愁堪破鶴放湘江路  
乍通莫酒青衫司馬淚與君醉臥菊花叢

報國寺書壁

秋風何處寄詩瓢散步行來過虎橋黃面瞿曇仍舊  
寺白頭宮監話前朝香消餘燼偏多惜菊映疎籬分  
外嬌爲嘆浮生空碌碌百年生計讓漁樵

燕臺重陽次日同人小集

劍冷頻縈宋玉腸他鄉風雨度重陽尊中酒滿人衣  
白籬外秋深菊瓣黃別緒已牽千里夢客情猶剩一  
身在京華此日稱良會無奈愁懷楚水長

命下謝恩恭賦

十年踟躕一林丘今日趨朝拜冕旒豈料君恩憐  
非質猶寬臣罪佐蘄州天高倦鳥思依樹月皎流螢  
欲傍樓自分飲冰盟夙夜此行端不爲家謀

長安百道九門開  
逐逐風塵撲面回  
石鼓于今存篆籀  
仙源何處覓蓬萊  
幾年白首悲歌地  
萬里黃金雨  
雪臺此去若逢猿鶴問  
故人勸駕屢相催

讀海忠介集

忽披遺冊動欷歔  
文獻千年列史書  
諫草焚餘猶指  
俊忠魂死後尚旌閭  
風雷烈烈凌霜節  
日月錚錚皎  
檠茹振古榮名垂  
不朽照人肝胆自如如

坐家思齡兄齋感賦

客懷對酒性難馴  
往事何堪細再論  
路歷九疑趨始  
正身經千折骨方真  
多君雅號知心友  
除我誰爲入  
夢人孤鴈迷離燵  
雨外淒其何處問江津

懷友

蘄門鼓角北風吹  
正是愁人悵路岐  
秋水蒹葭隨地  
夢高樓鴻鴈各天思  
暇時對酒邀明月  
經歲敲詩嘆  
索居日暮期君君  
不到蕭蕭白髮鏡中窺

冬夜與暉川上人談禪

花卸身衰別有天  
荒涼古刹月娟娟  
人情閱盡當全

史佛法叅來卽半仙僧去峒留開鶴護客過松抱老  
龍眠香消撥斷紅爐火爭看空中十丈蓮

送同年陳晉公之臨淄

銷魂橋畔唱驪歌雲樹蒼茫意若何枕月有情來客  
夢劍塵無術逐愁魔官衙好夜新詩酒驛路寒煙老  
薜蘿莫向尊前頻酒淚御堦指日聽鳴珂

入滹沱河

晉流入海野雲平滿目黃沙落鴈輕自古雄圖稱勝  
地于今王會拱神京南宮麥豆君臣義東漢衣冠父  
老情日暮行人悲遠道蕭蕭匹馬駐荒城

祝武林楊德公

秋光嶽氣映琦瑛大義峻嶒振古情江海文章驚姓  
字雪冰肝胆重嚶鳴臥龍小試飛天手神劍爭磨橫  
斗聲忽報青鸞來玉牒五雲高倚極星明

別徐子遜民部用元韻

楚天南望半江湖行李煙雲匹馬孤手把君詩當壁  
壘笑將客興覓屠麻相期兩地三春約可有雙魚尺  
素無明月刀頭勞夢想離亭此日幾踟躕

黃鶴樓望大別山  
江流南北戰矚癘突兀仙樓插漢中鸚鵡舌寒啼曉  
夜蛟龍神怒走長空堆殘白骨皆心血鑿破青巒半  
渾濛開古禹王稱巨手斷碑綠字紀洪功

赤壁晚泊

海鰲橫濶鴈飛翔秋結丹楓聚晚涼江嶽憐予霜雨  
鬢鷺鷗作客夢三湘風吹石破天心老月入船空水  
面荒四顧煙波迷斷岸羣峰低落小黃岡

姚翼侯進士過訪

石枰茶竈似禪廬無數殘編蠹漫除簷鳥窺人頻上  
下盆魚吞藻自欬歎焚香偶撥穉康火薰露時臨大  
令書午夢逢君纔乍醒忽傳門外到花車

新蔡道中

角聲吹罷野塵飛四面山峰掩翠微沙磧稻田江水  
洄雲迷松火竈煙稀賣完龔犢難終畝望斷汲舍莫  
扣扉不禁倚衡增感慨銅陽夕照落殘暉

浮玉亭秋祀文昌

橫空皓月映清秋突兀層巒出漢洲水面有臺高閣

迥山腰無地大江流風波十里東西岸燈火千船遠  
近舟齋宿倚牀人不寐一聲漁唱起雙鷗

汎舟赤壁  
霜葭露荻送行舟一片寒山落暮秋詩酒風流成斷  
續江雲圖書幾沉浮人于放者偏關念景到淒然不  
勝愁題罷數行收拾去惟餘明月照閒鷗

竹樓懷古

畫帆遙映小樓欹茶歇酒醒月倒窺江瀨有聲來夜  
枕山光無語落閒池先人于此曾留記宗子而今亦  
賦詩非是當年陶瓦省清風偏與竹相宜

贈如是菴石平和尚

湖光十里護禪關望裏紫霞若可攀龕炷一燈鐘鼓  
靜磬懸千軸水雲間欲棲老鶴多栽竹爲住高僧更  
買山坐久他鄉忘是客磻流遙聽響潺潺

泊巴河登望江樓

高閣橫空日影浮蕭湘雲夢望中收夜江浪靜蛟龍  
睡荒野人稀虎豹遊露荻白堆三峽月霜楓紅落五  
湖秋魚翁不解鄉關夢風雨一簑任去留



蘭溪

船上畫樓冰竹簾風吹簫鼓出重簷秋深葭臥千枝  
禿雲霽峰排一堵尖浴水紫鴛翎灼灼採菱紅女手  
摻摻等閒撐入蘭溪裏野店魚村覓酒帘

漢口早發過李卓人別業

一夜朔風驚曉霜粉香和露蘸蓮房嘯吟蛟壑多高  
士蕩槳漁簑半女郎蕭瑟白鷗團漢渚依稀紅日出  
林芒行人疑作游仙夢風送巫山幾里長

病中漫興

漫將懷抱質君平天道盈虧自有衡夾路挪揄雙鬼  
笑橫空雲鬢幾星明病身未輟防風粥白髮何來甘  
露羨孤憤欲除除未盡浩狀憑吊古今情

武昌雪馬寺

佛像環羅四面荒零星破日射僧床碑崩篆籀埋青  
蘚松老虬鱗飽黑霜幾部華嚴餘半卷數聲鐘鼓響  
空堂何年薦福興隆地翻作行吟信宿場

秋宵飲陳自修臬憲署中談宛中往事

五夜張筵玉漏清官高畫閣等蓬瀛南陽幾載聯床

夢湖上三秋握手情入眼浮雲朝夕變開懷明月古  
今平天寒鴈語空中下知落梅花第幾聲

漢上二歌姬

忽捧雙珠走畫楹酒香蘭臭一時清飛來恰是湘江  
至望去還疑洛水行宛轉鶯歌敲板碎踟躕燕舞落  
花輕當年司馬如相遇抹殺琵琶幾段聲

山寺

香臺煙繞似雲窩茆屋青青覆薜蘿霜落鴈峰人跡  
少詩題僧寺和聲多一堂鐘鼓沉碑篆千壑松楸老  
畫柯此日逢君初下榻幾年風雨再相過

渡江望武昌漢陽

上游磐峙勢稱雄郡國夾流砥柱中四望人趨初市  
日雨來船過大江風雲連山郭高低出津控咽喉遠  
近通漢水幾年鼙鼓靜不將筐篚佐戎兵

胡四庸貽此庵夫子講錄

昔年立雪飫春風桃李森森雨露融一代哲人星日  
隕千秋文獻武陵崇學通濂雒存微意道總尼山識  
大中賴有象賢傳寶訓永留私淑啟洪濛

次顧赤方韻

君家書富五經樓篆籀螭碑盡土丘文獻常留青史  
夢蛟龍怒鎖黑江流名高一代推才子大業千秋貯  
好修痛我牢騷東魯客蒲天風雪把詩酬

次韻畲沔陽徐兩玉秀才

橫江劍氣掣寒波縞紵論交矢浩歌士處窮途知己  
貴詩投放者入情多名高孺子清風榻秘貯仙人紫  
石窩欲補亡書搜古籀漁樵文字壅荒坡

二

湖海何年有定波不如對酒且高歌故人大半逃禪  
去名士于今失路多詞賦漫勞青史夢煙霞常住白  
雲窩荒天破處猶堪補幾見神龍走陸坡

江村

漁村樵徑草葳蕤平野水天色不分風號怒鷗蹲古  
柏夜寒幽鬼泣荒墳逢人豈易傾肝胆顧我空餘老  
骨筋踽踽行踪何處寄亂峰回首隔江雲

步王林洲副憲赤壁韻

嶰削文峰映井東神江湖漉起飛鴻屏懸玉尺凌秋

嶽溘鬱琅華賦帝宮夜雨遠山朝黛綠夕陽低樹晚  
霞紅漫言明月留蕪子此日欣瞻逸少風

中秋書懷

孤懷浩漫入秋虛滿月平分一素蟬高館酒驕偏豔  
客荒天詩哭應憐予楚山北眺鴻音遠魯甸南連樹

影疎

望家報不至

惆悵此宵情脈脈寒光古色照階除

顧思庵孝燕貽舟中懷子詩次韻會之

白鳳題辭投客子傷心酬和意遲遲乘橈蕩漾尋修  
竹結駟踣跚失鞞蘄洛浦美人香製袖空山孤鶴雪  
爲資蘭膏坐待三更漏渺渺予懷隔水湄

袖華匡秋夜

堦草紛拏坐未除寒風颯颯透輕裾秋霜夜捕黃團  
鱗江水時烹白小魚竹睡月明空皎皎茶香爐火自  
徐徐狂來把劍凌霄漢擬展青天寫素書

訪東山佛幢和尚

偶訪高間一問奇溪橋山奧隱仙居峰遮不見江窮  
處鐘響方知月上時紫燕忽穿斑竹榻青牛偷臥槿  
花籬楞嚴叅罷名心靜其剪春雲製衲縑

喜張邠月覲回舟過蘄州  
忽走長鬚捧翰章喜從世外問行藏  
南陽別淚襟邊雨漢水開尊髮上霜  
我伏一雌悲老大君仍五馬看騰驤  
平原十日猶嫌少醉把離愁話夜長

麒麟山秋月遠眺

風物淒其咽石牕芙蓉幾朵映紅缸  
晚霞束落千層嶺新月鉤彎一線江  
草際寒蛩聲楚楚天邊鴻鴈影  
雙雙年來心事都遷變只有舊狂不受降

茉莉

一株木本幾枝花搖曳參差映晚霞  
乍拖綠裙臨月醉忽飄瓊珮落風斜  
折來小朵宜堆鬢收得清香可點茶  
疑是瑤宮冰雪質臘脂塗抹不須誇

月下同黃鼎載曹尚白王寶臣汎江限韻

楓紫橘黃巖暮壘江聲泐馮響山巔  
鴈鳴雲外知何處松老巖邊那記年  
蓬轉忽驚天在下水流疑是月隨船  
鷓飛亂唱採菱曲怕聒老龍不敢眠

釣雪堂

竭來獨上木蘭舸蕩漾長江學釣鰲  
放客何勞談國

政逢人便好賦離騷  
愴心橫洒蛟龍淚  
閉目那驚霹靂濤  
一笠一簑還一影  
滿天寒雪覓村膠

蓮湖舟上

一枝紅玉豔澄瀾  
雲落遠峰翠欲攢  
出月嬋娟纔半臂  
凌波神女露雙丸  
無言好是思香夢  
折步還疑怯小寒  
却厭鮫綃遮不住  
芙蓉花幃簇嬌鸞

南樓書懷

庾亮乘月借僚佐登此

仗月登樓寄興豪  
風流千載落江皋  
簿書豈繫詞壇約  
山水應從世外遭  
鴈掠霜秋情自適  
客懷孤憤首常搔  
憑高指顧人何往  
惟有寒松瀑晚濤

黃鶴磯拜呂仙臥像

笑破荒天一夢餘  
結茅此地卽廬橫  
吹鐵笛千波靜  
倒嚼金尊萬慮除  
明月幾招黃鶴駕  
青峰時駐紫霞車  
百年劫火須深省  
稽首榻前問道書

次新安吳席徵韻

貰酒停橈漢水濱  
逢君握手意恂恂  
青篔常臥三秋暮  
白雪高吟四座春  
歲月鬚眉空自老  
江山風雨幾更新  
文章大業推吾黨  
千里訂交應有神

長江放我漢之濱龍怒當潮且謹恂椒露傳杯將宴  
歲桃花開漲又逢春昔年題柱同人散此地斑荆古  
道新縞紵無能通素悃只憑鷄酒對明神

霜風夜雨落江濱笑對忘機自朴恂後會當諧千里  
約遠心憑寄一枝春裘經寒暑因循敝劍燭星芒氣  
色新我欲共君聯白社茫茫世事漫傷神

礪塊頻將濁酒澆官閒無事訪漁樵松濤萬壑增秋  
氣簫鼓千船壓暮潮月下買魚搜巨口日邊春稻煮  
長腰素心堪共清流語更有羣鷗伴寂寥

泊道士泐遣舟子踏月沽酒

綠水青篔簹伴釣綸悠悠懷抱向誰論漁舟忽嘯舷頻  
扣鴈渚驚寒酒一尊挿漢排雲山氣槩走松穿竹月  
精神劍邊行李無長物醉臥煌霞莫笑貧

宋牧仲郡憲元日紀詩二章屬和

江城寒雪夜初消共道春回樂事饒綠野柏椒封北

南苑詩集  
戶黃堂師濟藹羣寮風吹玉律鴻鈞轉采拂金章鳳  
曆招羈旅小臣遙祝只聖十年慚愧負題橋  
履端奏賦豔羣芳金絲辛盤映書堂臘褪池塘煇柳  
綠春晴林院曉鶯黃釐功歲計咨民力祈穀元辰布  
上方記得帝城臨震日旌旗仙仗護龍翔

漫興

身閒官冷自于于山月江風貯素厨顧我鬚眉漸老  
大認誰肝胆尚模翎孤懷有夢惟關鶴遠水流音早  
過梧倚枕觀心歸宵冥十年往事可忘乎

且問天

署偏額

驅山填海事荒唐人到窮途照自傷琴瑟有聲流礪  
壑聖賢無力鎖文韉蒲池劫火曾消未尺鐵寒鉞幾  
短長風雨離天何處是孤燈相對影茫茫

大士閣

月照佛燈擬赤幘千年古剎路嶮嶮開軒衡岳凌秋  
色入檻瀟湘捲暮潮天半雨晴窺鶴背空中雲縱靠  
峰腰長江一道灤洄去靈掌光分萬丈遙



楓落紅深豔客程捫膺秋夜自怵怵無情世態同  
海得意交游半死生窺井梧桐雙鴈影橫天河漢  
幾  
星明傷心一可往常彈劍風馬羣嘶玉漏聲

尚未庵進士有徵花詩四首依韻漫賦

旭日江臯照舜華蘭膏瓊館駐雲車綠煙低鎖平橋  
柳紅雪爭飛小院花吟嘯蟪蛄時寫怨容與鷗鷺手  
間又徒聞玉液難消渴習習風霓四壁奢

薄袷風吹步晚秋金沙湖上水西流茶香細細浮清  
塵客夢徐徐洽野鷗黑髮年來霜漸改青峰雲外色  
常留病餘習慣稔康懶永夜琴尊坐竹樓

柿葉火肥鬱石林寒泉孤月灌園心墨陽數尺趨衣  
緩編夜三秋入夢深幻枕有身翻化蝶前驅無計欲  
從禽羈愁遲坐涼侵背明月江城處處碓

江煙薜荔冷空牕老病詩思不受降桐月橫秋窺露

井柳絲拖怨繫花樁瓦沉劫火鳴寒蛩雨歇殘簑臥  
小危落日蒼梧迷遠岫湘靈何處逐飛艤

蕪廬對處見羣峰菴吳畫帆隔幾重蘭隱谷中宜愛  
惜鶴飛雲外自從容靜觀石榻初唐帖間聽江樓暮  
夜鐘不共人言湖海淚一編殘史伴孤松

梧落鴈翔縱日虛江聲嶽色冷幽居天涯歲序三秋  
盡故國音書一載疎不減舊狂翻酒政常緣多病訪  
僧廬劍寒五夜凌晨星漢孤憤縈懷未易除

補萃厓

軒題額

孤石盆魚書一龕黃昏向佛禮和南翠蕉夜展斜趺  
坐新稻晨春滂鉢啖雲幃竹風回綠雪石枰松雨落  
青嵐芙蓉衣製香羅袖不信圓嶠補袞蠶

中秋借友人買酒分韻忽有鄂州之役

清秋好友一開尊山水猶憐古道存徙倚桂香遲月  
姊嘯歌花塢響桐孫聞雲留我詩方就猛浪催人酒  
未溫良會從來多易歇萍踪聚散莫輕論

對客

耿耿孤明四照虛 爐煙竹風自消除 故人分俸多沽

酒有客解衣且換魚 索食不須陶範米 登樓時讀蔡

邕書從來野性難馴習 何日雲裝賦遂初

哭史華公工部

長安一載伴僧廬 儂去君留鴈影疎 燕草喜傳皇甫

華 序予適 燕吟 閩雲愁斷子魚書 壁懸白雪驚人句 夢賦

蒼葭動我賦得意 交游生死恨楚天 遙望淚沾裾

壽家太史涓來太母夫人

千年燕翼耀槐堂 王屋山前瑞氣翔 壽筭籌添光海

幄仙琬曲奏泚霞觴 屏懸御詔新綸綉 鬢挿金釵

古鳳皇莫羨吹笙乘鶴去 雙鳧又看起黃岡

江舟

西風蕭瑟鴈南翔 泉確時春晚稻香 乞火隣舟忘姓

字醉歌江曲半荒唐 乍驚落日啣山口 又見飛霞坐

石床清夜無須防盜客 幾行鷗鷺護沙棠

郎官湖 李白 遷夜郎 觴故人尚書張謂湖上因

我來把酒試呼天 淚洒荒祠一醉眠 畫角月明燈火

暗蘆灘沙冷客衣單古今被殺多才子山水行吟幾  
謫仙堪羨此湖榮此爵尚留漁父口中傳  
不來韓海湄自湘江訪予武昌旅寺貽東洲詩次韻  
鬚蒼秋水望中攀鴻杳鱗疎夢等閒孤劍無靈須石  
礪浮雲橫日待風刪貽來湘帙擎雙壁行過洞庭歷  
幾灣驚喜相逢無別語問君可是故園還

古風二  
曾從蘭譜識文公渤海風流氣自雄北闕書思銓有  
待東洲留賦記何窮星霜離緒傾尊滿石火浮名入  
眼空試看晴川鸚鵡地一樓明月幾人同

寄維揚郭台極

年年秋水賦蕪葭悵望天南鴈影斜風雨頻懷人倚  
玉關河遙阻旅爲家情深入夢逢君話身繫無緣泥  
客槎千里魚書通素悃好將春驛寄梅花

次韻會之  
尚未庵赴春車賦燕山遊子衣裳薄二詩留別

文壇有酒不須慳笑指燕臺萬仞山梅發驛亭春雨  
潤詩吟驢背雪風刪荒天白練籠江樹禁苑青黎映

書斑此去長安知得意五雲層閣望鄉關  
破寒縮轡賦題橋官道朔風雪欲騎淵海明珠雙目  
炯煌雲行李一肩拖客瞻嶽色春嵐近馬蹴花香繡  
陌飄裝薄不羞裘劍冷紫泥還應啜紅綃

王國冬日卽事

旭日寒牕竹影斜擁裘消瘦對梅花霜痕指點題清  
夢殘牘區除伏小丫恠事不驚閒客枕疎慵恒類野  
僧脚隔墻臥聽金牌響爲語穉兒報曉衙

